



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON

**OPĆA BOLNICA
TEŠANJ**

74260 Tešanj, Braće Pabrića 17.

Tel.: Centrala: (+387) 32 650-187; Direktor: 650-662; Fax: 650-605;

Broj upisa u sudski registar: U/I-527/98

ID broj: 4218211790008

Transakcijski računi:

UniCredit banka 3385502200092784

Vakufska banka 1603000030111489

E-mail: bolnicatesanj@bih.net.ba

www: bolnicatesanj.ba

Broj: 2754/2016.

Tešanj, 29.04.2016. godine

Predmet: Poziv za pomoć u kupovini novog savremenog CT aparata

Poštovani,

Opća bolnica Tešanj je u potrebi da dosadašnji CT aparat koji je neprekidno uz redovno servisiranje radio 12 godina zamijeni novim i savremenijim CT aparatom. CT aparat koji smo do sada koristili je Siemens Somatom Emotion koji svojim karakteristikama ne može zadovoljiti potrebe savremene dijagnostike za kojim naša bolnica i korisnici zdravstvenih usluga imaju sve veću potrebu.

Nabavkom novog savremenog Siemensovog 32-slajsnog CT aparata znatno bi povećali obim i asortiman dijagnostičkih procedura tako da bi korisnici zdravstvenih usluga bili pošteđeni putovanja i odlazaka u udaljene medicinske centre, kao i dugih listi čekanja određenih medicinskih usluga. Vrijednost novog CT aparata je oko 500.000 KM. Opća bolnica Tešanj nije u mogućnosti da sama finansira kupovinu ovog aparata iz svojih redovnih sredstava zbog čega smo se obratili Udruženju privrednika Biznis Centar Jelah-Tešanj, znajući da smo i prethodnih godina imali podršku privrednika i preduzeća, kao i Općina naše regije prilikom nabavke nove opreme i opremanja bolnice.

Udruženje privrednika Biznis Centar Jelah-Tešanj je upoznalo svoje članove i prihvatilo da organizuje DONATORSKO VEČE na narednoj Godišnjoj skupštini.

Vama se obraćam u ime Opće bolnice Tešanj i u ime svih korisnika zdravstvenih usluga u Općoj bolnici i pozivamo Vas da svojim novčanim prilogom učestvujete u ovoj akciji. Znam da će projekat kupovine novog CT aparata uspjeti u potpunosti, kao i svi do sada provedeni zajednički projekti koje je Opća bolnica provodila zajedno sa Vama, a što će u konačnici donijeti kvalitetiju i pravovremeniju zdravstvenu zaštitu našim sugrađanima.

Svjestan sam da mnogi koji žele pomoći ovaj projekat neće biti u prilici da prisustvuju DONATORSKOJ VEČERI, te Vas molim da svoje novčane donacije uplatite na žiro-račun broj:

1603000030111489

Vakufska banka, Filijala Tešanj

Mnogi privrednici i fizička lica koji su donirali novčana sredstva ili opremu ne žele da se javno objave njihove Donacije, te Vas molimo da nas obavijestite ukoliko i Vi ne želite da se Vaše ime objavljuje.

Za doniranu opremu, kao i prostor koji je doniranim sredstvima izgrađen i adaptiran postavljene su pločice sa imenima donatora na vidno mjesto.

Velika zahvalnost pripada svima koji na bilo koji način pomažu razvoj Opće bolnice, pomažući joj u nabavci nove medicinske opreme, adaptacijama prostora, donacijama materijala, sredstava i dr.

Nakon nabavke i montaže novog CT aparata upriličit ćemo zajedničko puštanje u rad i pozvati Vas da podijelite radost s nama.

Nadamo se uspješnoj realizaciji ovog projekta.



Direktor:

Doc dr med sci Rifat Sejdinović